

ALL NATIONS GOSPEL PUBLISHERS



www.angp-hb.co.za



info@angp.co.za

Ccungccaw Thinlung

A Thua Khyh Ze

Muisaw Thinlung Thawlann

(Sawkhum ccan haw te tou se naw)

E ccauh traw hynh 1732, kum te Frence ram te oun tho zah, Africa ram Mission rya lah tu hae hang la, ci te Rev. J.R. Gschwend nynh bua oun rae chui kou te, BYA Phun 350 Lae te leh hae zah "All Nations Gospel Publishers" ci kuh paw Pachia rya lah tu hae nynh, Mission rya law naw lan ci te Laephi vaw Ram 127, kya a nee hae. E cca uh traw lia hynh te B.C. 586 kum nin ze Profet Ezekiel nynh oun ho paw "thinglung thaw paw kae pya cih oh... Kamiphun lan nah ta cih oh zah Kae tuh nae Pachia la ka ta cih." Ci paw bya thyh haw te min phuin cca paw beih naw cca paw hae kha. The hooy bahccin klan a ccia khae hae. (Ezekiel 36:26-28).

COPYRIGHT

ISBN 1 - 919852 - 42 - 5

ALL NATIONS GOSPEL PUBLISHERS

P.O. BOX 2191, PRETORIA, 0001, R.S.A.

(A Gospel Literature Mission financed by donations)

(Reg. No. 1961/001798/08)

CCUNGCCAW THINLUNG

PACHIA BEIKINN A THUA KHYH ZE SETAN RYA LAW
NAW HMIN

(1 John 3:4-10)

E ccauh na ria athua ze Thawlan kya nynh ka do ku cite nah tua cih zah zyntu na thua ze mah Kriccaw nah thua ze mah, zyntu nah thua khyh ze mah noh lan ki paw na thua ze mah Pachia ae muih naw haw te namaw te namaw na nuih ku cih. "Ccungccaw hae nyh tuh ah tolan nynh na do oh. Kae tu thinlung nynh ka doo." (1 Sam. 16:7). Pachia nynhtuh ahtua naw ccaccin kha a muih.

Setan tuh hyngnaw mia kaw ee "Paw" nynh ah thua, moh naw siangpahramg ccapaw laepi siapahrang Pachia thua zah vaw Ccungccaw 'ae haw te ah aw naw kha rulae ku te, nupi pise seinaw lan khe ah ccia khae 'ae. (2 Kor. 11:13-14). Laepi ccungccaw 'ae kha Setan nynh moh naw kya ah khum keiccu hae ze Pachia sungah naw te Zisu oun saw khaw naw kha muih kho vae khyh'ae. (2 Kor. 4:4). Misei blyn te ah maw a zyn lei paw miakaw tuh muihsaw lan te a chih paw thua 'ae zah Pachia klan mit zuu paw nynh ah thua 'ae. E laepi uhccaw hooy lei naw nynh a uk 'ae. (Efe. 2:1-2). Lanpi ccan khakkeh te mit aw sah khyh ze zoonaw, vaenaw kya kha te loih sah kho khyh hae ze tu zungzae ronaw chinaw lan khe a cceh cih 'ae Seinaw ka rae bankhyh a cih paw tu amaw te amaw a hyngpya kuh paw nynh a thua. Tuh thuakeccu ze Pachia ccapaw tuh Setan rya lawnaw ro sah khy lan ee lae vaw lan oun rung paw tuh a thua. (1 John 3:8). Tuh thuakeccu ze Pachia Klan khe pya ku oh, Setan rya lawnaw kha dou oh: la, Pachia klan khe nae ku tua oh, Pachia nynh ae nae ku bua ci oh, tuh te zetuh a hooy lei paw Setan rya law naw nyh ae ccawe taw ci oh. (James 4:7-8).

E ccauk naria zah sawkhum na do ccyh nin hunh namaw thinlung kha na muih ku kho cih. Pachia aw naw te na

thinlung kha muih 'sah ku tua lah; nah seinaw kha nyh laa, thuruh nan 'ae. Pawcce cize Pachia bya nynh seinaw ka hoi khyh a cih paw tuh amaw te amaw a hyng pah ku paw cih za bahccin um khyh ci paw a laan, thuasalamah a seinaw a saw ku ze tuh, a bya thyh haw te a sei naw kha oun ngae thya ngaw zah seinaw kya te oun thyasah cih. (1 John 1:1-10). A ccahpaw Zisu chiise nynh seinaw kya te oun thya sah, nyn.


Na tuh Setan a thuakhyhze Pachia nynh ae uk, seinaw see na thua khyh ze Pachia see nyh nah thuacih. Seinaw nynh ae uk ah thua ze tuh pheii ku leite Pachia kha ko tuah, Zisu Krih lia te lawe naw ae pya cih. A maw tu misei khum khy lan te Setan ryalaw naw mohnaw kya te pou sah khylan oun thua paw nynh a thua. A maw tuh oun khum tu bawi nynh a thua. Pawpaw blyn a muih kho tu te anyh kho tu paw nynh a thua. Tuthuakei ccuze Pachia malan thuruh kholaupaw te pheiku kholanpaw umkhyh Pawccemah cize Pachia tuh NAW rae tu te MIT rae tu a thuakeiccu ze thaeli, muih lite vatemah a um thua ngaw. (Sam. 94:9).

Bawipaw nynh thinlung ccahccin te a maw dolia kuhpaw bawmnaw pya kyhlan e laephi hynh naetari lante a do nyn! (2 Sheria naw 16:9).

Pachia nynh ccungccaw lanpi kha do zah mi ccusynaw blyn pong a muih, Pachia nynh muih kho li lante misei 'ae ree kunaw umkhyh. (Job 34:21-22).

Thua salamah Zisu nynh zyn khyh 'ae Pawcce cize amaw nynh pong a ny keiccu ae nynh athua. (John 2:24).

Tuh thuakeiccu ze mih seinaw ngaethya athua 'ae paw te mih mee naw ngaethya a thua 'ae paw tuh lungtuapaw nynh a thua 'ae. Bawipaw nynh sei ccousah lei paw te seitounaw blyn lungkhu kyate a lawe 'ae paw tuh Lungtua paw 'ae nynh a thua. (Sam. 32:1-2).



1. MISEI THINLUNG

Sawkhum ccaesah, Fiangsah naw

SAWKHUM CCANKHEH NAW

E sawkhum ccankheh naw nynh a muih sah paw tu laepi pynsaw ccungccaw Baebu ccaw nynh misei a ci paw thinlung nynh a thua. Tuh ee thinlung tuh laepi uhccaw hooyeinaw te pynsaw rynaw nynh a tae paw thinlung nynh a thua. Pachia mit muih naw thinlung ccahccin sawkhum nynh a thua. A mit serarih paw samaw ran kouran paw thinlung mah a thua. (Proverb 23:29-33). "Ahummou a ngaethah, a hummou siarua te a um, a hum mou peku maeku naw a rae, a hum mou maw a muih, a hum mou a mit a se? Ci lan ze tuh samaw syapi a neh paw te myngkhuh paw sii te py kuh paw aa rah a neh paw hae nynh a thua ae. Banan kya se zah kou puithya te niary kou um paw samaw kha do nan oh, a than nawla tuh fupahthya paw haw te tuh thya zah ccinaw a pay thya nyn!"

Sawkhum lungkhu ee ccungccaw paw a lu kaw ee thinlung kyakhe Saram paw phuinccin a um paw kha a muih oh. Tu ee hae tuh ccungccaw thinlung lungkhu ee seinaw phuin ccin muih sah naw nynh a thua. Ccungccaw thinlung tuh Sei naw Phuinccin a um naw te a tho naw nynh a thua. Pachia nynh Profet Zerimiah kya "Ccungccaw lungthin tuh a hum nynh mou a nyh kho cih? Pawpaw lae zemah a cih ruh hua. Dam kho lei lan cia te a ccih nyn" cite a ho. (Jerimiah 17:9).

Bawi Zisu nynh hynh te a ho, "a hooy lei paw ziazae a rae sa tu, Tuanaw hooy lei paw tuh thinlung lungkhu te oun pou paw nynh a thua. Nupi, Pase seinaw, runaw, ccungccaw chia naw, milae zu, milae vawpaw rynaw, kran ku naw a hooy lei paw uhccaw tua naw, hyngghbya honaw, cih kuh paw a hooy li naw rae paw mia kaw hynh, ccungccaw lungkhu te a pou paw ccungccaw a thu sah tupaw hae nynh a thua" ci te a ci. (Mark 7:21-23).

1. **BUATUA** – Buatua a puithya paw tuh ccungccaw nynh dualan kou um salamah ee ccungccaw thinlung kya tu po ku naw, tansah kunaw nynh a lan sah nyn. Lucifer, vaw awnaw.

awsii nynh poku rynaw keccu ze Pachia "raw" lan oun ta. (Isaiah 14:9-17; Ezekiel 28:12-17).

Pokunaw, lysakunaw tuh angaelung te oun cceh zah laanpi phuinccin te oun lan kuh. Ccungccaw a ban nynh hoirum naw, thyahaw naw te uhccaw lawkunaw kya te a po ku 'aelaiah 3:16-24, kya a ho haw te ccungccaw a ba nynh mi miphuin te thokeinaw te a po ku 'ae. Pachia nynh a po ku paw te a lysaku paw tuh dou zah minlae nyasakunaw a hoi 'ae paw kha thaw a cci 'ae cipaw kha phe a ning 'ae. (1 Peter 5:5). Pachia nynh amaw po ku paw tuh kou a fua nyn. (Proverb 8:13). Pokunaw nynh ronaw lan oun ccia khae zah lysaku naw nynh kyhlia ku naw lan oun ccia khae. (Proverb 16:18).

2. UI – Ui nynh pynsaw rynaw te a thya lei paw hiin naw nupi pase seinaw a muih sah. Hynh ee seinaw hynh a tu she thawpaw kya hynh hou a kae thong. Bawi Zisu nynh kum-2000 lya oun ho tou paw ccyh thanaw ccyh tuh Sodom te Gomorah haw te nynh oun thua cih a cipaw hawkhate nynh a thua vae. E a thyaiepaw hiinnaw nynh ccungccaw blyng thinglung kya khe phe behvae a piaze baisikup donaw te law te zu ae rynaw thinlung tuh a tu she thaw paw kya tuh a hooy pawlante nynh a ma vae 'ae. Zawthaw mino patate mi hiin naw kya tuh Baihikup, T.V., Video doo rynaw teathya lei paw ccauk riary naw te phe beh vae. Bae bu ccaw kya ee doosuinku lan um paw Jeseeph (Gen. 39) kha tuh doesuin ku vae li te Video, Baisikup lung khu ee a taan tu 'ae (Zohshin mincca, Minccamii) 'ae kha nynh a doosuin ku vae 'ae. Pachia nynh nopi, pase seinaw kha thawte siibia oh, Nae pyn tuh Thyamuisaw Beikinn a thua paw kha na nyh khyh oh tou. (1 Kor. 6:18,19). Tuh ee muisaw tuh nae thinlung kya um zah Paw Pachia nynh ae pya oh paw a thua paw kha na nyh khyh oh ta? Nae nin tuh naemaw ee na thua vae khuh oh, Pachia uhccaw nynh na thua vae oh. (1 Kor. 3:17).

3. VOH – Voh nynh samaw niary ae ry naw kha alaan sah. Voh tu kou a nungsii khu paw thuazah a malaan a muih paw

mia kaw a thyapaw thua sah a thya li paw thua sah ruarua a ae, paw te a doi kho paw nyah a thua. Tu ee thyhawte a sei paw thinlung nynhtuh a thya lei paw hiinnaw ziazae klaan oun ccia'khae paw Ccauk te sawkhum kha marya a doi nyn. Te ah hiinpaw Pachia Beikinn a thua paw apyn khamah a thya lei paw Maezuu naw karua mung naw, samaw nia naw te thawmaw te a thu san. Maezuu zupaw, Biin ae paw te ruimapaw sii a phuinphuin ah man paw ae houhou a lung thung 'ae. Tu ee a hooy lei paw See taanaw kya te Pachia thawngnaw kyalya te nynh a lawe kho ngaw 'ae. Beikhnaw kha saw koutuazah Belkinn lung khu maezuu zutuh hooy khyh, Pachia saw tua lei paw nynh a thua, cite a cih paw nynh mah Pachia beikinn ccaccin a thua paw a pynsaw lung khu te maekhuh banban pousah tuh pawtua umkhyh a ci 'ae. Mithya Paul nynh "Pachia beikinn nathua oh zah nae lungkhu Pachia thyamuisaw a um paw kha na ny oh, tuh athua keiccuze Pachia beikinn a ro paw tuh Pachia nynh a ro bua cih 'ae!" (1 Kor. 3:16,17; 6:18,19):

Ae krang ku paw hynh Pachia malaan do kou a thah, hiin khylan ah aepaw a thua oh zah ae khylaan a hiin paw a thuakhyh oh, Vawilaw tuh looh ae te byn kuh thya zah krang ku tuh ah zaw ci um boi khyh. Ounpya, Ounpya a ci zungzae.

Ae krangkupaw a lohtharoi tuh, bynba sae ngawkhyh. Bae bu Ccahryng phung te tuh ae arang paw te samaw rangpaw 'ae tuh lung te phe chihlancia deh lan paw te chia lapaw nynh a thua. (Deut. 21:18-21). "Ae ram paw te samaw neh paw tuh ryachinaw kya a thua cih 'ae, nah ryalawpaw miakaw ae te nia lang marya nah maan ze tuh a romawze boeipawe paw na law kuh cih!" (Proverb 23:21). Ae ram mirumpaw te chiisaw rynaw see laa a tan paw tuh a chih hae te hell lungkhu vawsaw riathae a te haepaw kha pong a ny oh, samaw nia hooykhyh naw kong patae ho-hokhyh, pachia nynh ccaerarih lan a hopaw tuh "Samaw neh 'ae paw tuh Pachia peenaw te kho ngaw khyh 'ae aci" samaw tuh aepaw thua khyh, Ccungccaw luu vae sah zah thinlung a ngae sah. Mi

umtuziazae doo kou thah zah mi hiinnaw kha thya kho vae khyh. Mi bung lee zah Ccungccaw chia raw ma rih vae khyh 'ae. Samaw rui hynh pee ku mae ku naw thuazah samaw rui tuh ngaepaw nynh a thua!" (Proverb 20:1).

Samaw a rae paw te a zuapaw mah Pachia malaan samaw neh paw te miseinaw lae khyh, Pachia bya nynh "Pong nah zo vae oh, samaripaw 'ae, samaw kya nynh phe na zo vae oh a ci." (Isaiah 5:22). Naban hae kha na niasah hae zah naruisah hae keiccuze na tung vaw ccaeah naw um sah. (Hab. 2:15). "Ccungccaw hooy lei paw tuh Pachia pee naw ccou ngaw khyh ae cipaw kha nah ny oh, naemaw te naemaw kha ling ku na oh, a sei ae paw te khohrum beik paw te, milae nupi a sei khae paw te, nupi pase seinaw tua paw, milae uhccaw a lua paw, a krang kuh paw, samaw ruipaw te, milae than a ho paw te a ruh paw 'ae blyng tuh Pachia peenaw tuh ccou kho ngawkhyh 'ae. (1 Kor. 6:9,10).

Ccungccaw seinaw a ban tuh hynh ee hae nynh a thua 'ae, Nupi pase seinaw, Khohrum beikhnaw; thingria naw, a maw hlaan kyalya tua kunaw, lukkeh te lukkeh dookhaw kunaw, Samaw rui naw, siaruanaw ci tahawpaw seinaw kha a rae 'ae. (Gal. 5:19-21). Samaw kha rui nan oh, samaw tu naemaw ae rosah tupaw nynh a thua. Thyamuisaw te beh oh. (Efe. 5:18).

Zisu nynh Muisaw cui a haw paw 'ae kha, A cui haw paw blyng kha Ka klaan ra oh la cui kha nia tua oh. (John 7:37,38). Cui a haw paw blyn raa tua oh, ee kya hin Cui a um, renaw phua a hoi leipaw blyn raa tua ohla looh kha reku oh laa, ae tua oh, raa oh la misur cui te Vaetua mati kha re kuh tua oh, a mee pya ho ngaw khyh! (Isaiah 55:1). "Kae ka pyapaw Cui a neh paw miakaw tuh vacise zemah cui bua hawchui vae ngaw khyh 'ae, Ka pya paw Cui tuh mi lungkhu kya Cuidyy la tan gaw zah, Cuidyy nynh hiinnaw kha a pya cih 'ae." (John 4:14).

4. SUNKU – Sunku nynh a muih sah paw tu thawnaw nawte kawhoi rynaw, kawngae leinaw a muih sah. (1 Samuel 15:23).

“Ryalaw law rylite a thawnaw paw tuh a maw te a maw a theh kupawnyh a thua. Khua a rua paw 'ae mia kaw khatu lungkaw tua kunaw fuataw kha nynth a thua.” (Proverb 21:25,26). Joshua nynth Israel Ccungccaw 'ae kya bynh hawte a hopya 'ae. “Hynh ee kya hin vapaw ryawlaw lite um nan oh, ramsaku te va cceh oh laa vah lawku tua oh. (Byapiatu 18:9). Ccungccaw thuanaw tuh kou a hooy, thuasalamah Pachia rynaw lawkunaw .la tuh akhy kou a sung. “Tuh thuakeccu ze, Zisu nynth thuakaw byy paw klang tee kha zua ku oh” cite a ci. (Luke 13:24). “A ccungpaw tuh a muih cih.” (Matt. 7:8). “Vawla peenaw tuh raasah kute a ccungpaw nynth a muih cih 'ae. (Matt. 11:12).

Muisaw luu hiinnaw te khumnaw kong kya Vaa lan rialite a khysung paw a thawnaw paw tuh chinaw nynth a thua. Sawsan mah fua khyh, Pachia baccin lawku mah fuakhyh, Pachia kya ee hoikum naw lawku mah fuakhyh zah ronaw lan oun cciakhaepaw nynth a thua. Pachia nynth na thinlung ae ngia ccyh lya khe Setan nynth tuh awkhuala vae sah, sarakheh vae sah, a thuakhyh ze nyalang vae sah a ci. Vethyapaw halantuh Ccyh hooy mawe khovaelite Chi sei lanze, Krih te a khum naw mawe li te Chi halan paw nynth a thua vae. Pachia nynth “A tu ni Pachia bya na thae oh ze nae mingpaw 'ae nynth Pachia bya oun dou hae haw te naelung vah khawng nasah, cite a ci.” (Hebru 3:7,8). Malaan Ccyh hooy ngaw te Ccyh hooy mawe lite ccungccaw he zehmaa Pachia khumnaw mawe lite a chih vae ae? Awkhualang cipaw hynh nah hoipaw nah uhccaw thuakhyh nyng.

Sunku kloh hynh “Naw” (Ccungccaw chisah) a thya paw 'ae nynth Ccungccaw chisah nawlan a maa haepaw thua haw te, ee kya hynh Pachia kha doolia ku leitu, Kuitdoo thyapaw, Bedin a zyn pawte, a doolia kupaw muih sah naw nynth a thua. Pawccemah cize “Bawipaw Pachia nynth Ccungccaw tuh a cceh cih naw laanpi klaan khe a ccia khae” a ci. (Sam. 37:23). “Accihpaw um 'ae tou? Kriccaw piccan kha kosahla, Chihcui kha thuhpah haesah la sawsan pah 'ae sah, Zynnaw te sawsan pah paw nynth ngeccih kha a dam sacih. Bawipaw

nynh damnaw pyachui ngawzah, a seinaw kha a ngaethya cih. Tuh a thuakeccuze nae seinaw kha phoukuh oh la, lukheh te lukheh nadam khonaw lan oh sawsan paku oh!" (James 5:14-16). Pachia nynh Israel 'ae kha Hynhte kawbya a pya 'ae, Nae ccaw haete sii thoi kunaw rae na oh, Nae Ccungccaw 'ae tu kuitdoo te Ccungccaw Naw kha maa sah nan oh. Michi muisawpaw khamah ko sah nan oh, Bawipaw nae Pachia nynh hynh ee ryalawnaw miakaw hynh kou ah fua nyng. (Deut. 18:10-12). "Khualipi ah lialan tuh ccungccaw hooylipaw, seinaw tua 'aepaw, Ccungccaw thehpaw, khorum beikpaw haete, Hynng bya a ho paw 'ae kha a um 'ae." (Bia 22:15).

"Khohzii te "Naw" a thya paw kalaan cceh nan oh, nah ccia oh zetuh phungbya thyhhaw te a thupaw na thua vae oh, Kae tu Bawipaw nae Pachia nynh kathua." (Lev. 19:31). Kuit doo thyapaw haette Naw thya paw kalaan cceh oh cite Ccungccaw 'ae nynh ae ci oh ze naleh laa oh pawtu "Bawipaw nynh ae ccanyya naw oh kha ngae tua oh, kuit doo thyapaw hae byakha ngae na oh. A ho paw hae blyng kha thahnee naw um khyh cite naleh ci oh." (Isaiah 8:19,20).

E Ccauk naria ccyh lya hynh Pachia nynh nah kya bya a ho ccyh lya nynh a thua. Na seinaw kha cciataw te ah maw kalaan kilante ae ko ccyh nynh a thua. Thuasalamah Sunku muhsaw na lungkhu a umpaw nynh, tuanaw a ccancang paw kha a thuakhae cih. Rui bang 'ae mae doo te hooylinaw na raepaw nyn, Setan see laa ae ta sah, Thuasalamah Bawi Krih tuh na hiin lung khu hooylinaw narae paw kyate lawe sah khyla nynh laevaw lan oun rung! (Hebru 2:14,15). Kaw ngaenaw lan nakhy ae sungshaw paw, Sunku muisaw nynh na thinlung kha eh a taan sah keccuze na thinlung tuh sungku phua Sunku kloh haw te a tang cih.

5. KAESING (KAEPAW) – kaesing tuh kou a repaw saram paw nynh a thua. Fuaku naw, thinria naw te ei um kunaw nynh Ccungccaw thinlung tuh a uk keccu ze Ccungccaw chiary naw lunthing mah a pou. Sinsum traw tuh na yh kuh

kho salazemah na thin vae leh bua a dyng ki cih. Tu ee tuh kah thinlung kya a um cipaw kha zyn laa bawipaw Zisu kalaan lawe naw kha ngia ku tua. Na thin kha ria sah nan, hna hnoh naw kha ah thua khae. (Sam. 37:8). "Thinrianaw tuh a hooylipaw thua zah Ccungccaw rosah tu nynh a thua." (Pro. 27:4). "Thindyng naw kha sunku tua, ngaenawpaw nynh a thua." (Eccl. 7:9). "Thinrianaw te fuaku naw lungthing tuh nah vua ccahccin la oh paw nynh a thua." (Kol 3:8).

Raw a thah paw hae nynh a hooylipaw ryalawlaa a ci 'ae ze Samaw a nia 'ae. Tuh ee tuh Fupaw syy te raepaw samaw nynh a thua. (Deut. 32:33). Ccaeliaru rynaw hynh misei thinlung kya a um, "Thuasalaham namaw nah sunsah ku haw te na inn paw na sunsah cih." (Mark 12:31). "Narawpaw kha na sunsah cih." (Matt. 5:44). Min nynh a tumvaw a sei paw hae kha a ngaethya a thua ze tuh ah maw ah seinaw kha kae ngaethya cih oh cite Pachia byakam naw a um. (Matt. 6:12). A hooylipaw muisaw ryalaw naw tun Pachia nynh a fua. Rii la umpaw rynaw te raw tuh kuryraw, chii luasah kunaw hae hynh Ccungccaw lungkhu kya a um paw thuazah daenaw te Ccawkunaw kha saepi um kho nawlan lungkhu kya nung a ho.

6. FUPAW – Fuh paw tuh Edem kokhu kya Eve kha liin zah Pachia te ccungccaw laku ee sunsah kunaw ruikha phe a paesah. Adam te Eve, Pachia ryte Ccawku te a um paw haekha Setan nynh a muih tuh, ah ei kou a um. Laepi uhccaw miakaw uk tulan atan paw haekha, Setan nynh a muih tuh ah ei kou a um vae. Tu ee eium naw thinlung nynh ronaw lante khuakhan zah Pachia te Ccungccaw Ccawepe kunaw kha phe a pae sah. Tu ee eium naw tu Ccungccaw kya mah um zah lukkeh te lukkeh syro kunawlamah a ta, eiumnaw nynh Ccungccaw thinlung kya hooylinaw tee sazah, Ccungccaw chia kunaw kyacia a phya sah. "Zu te vaw la ku kya zynkulinaw a um ze tuh thinrianaw kha eh letu vaezah lukkeh te lukkeh thawccikunaw mah um kho vaekhyh." (Proverb 6:34). Pachia ryalaw latu 'ae Pastor, Evangelist ae te a ccaccan pawkya ryalatu ae zemah Pachia nynh mimaw lae a

maan buapaw kha a muih 'ae zetuh eium naw kyate lawe kho khyh 'ae. Ei umnaw a hoi 'ae. Tuthuakeccuze a mimin nynmah kou a raering ku 'ae a ho, a thyapaw Pachia sungсах naw thawngte oun pya paw thyamuisaw hynhte bia lapaw kha zuaku hualanpaw nynh a thua. (Rom. 5:5). Tute a thua khyh zetuh a mih ryalaw nawkha ei um kunaw nynh a rosah cih.

7. BUHPHAW – E buhphaw nynh a muih sah pawtuh krang kunaw te phua eh rytu paw thinlung kha oun muih sah. (1 Tim. 6:10). conge ram a umpaw buhphaw phuinkheh tuh lungkhi kha eh longtu la ae zah a voe phumpaw zah a chi khae kuh he, a ci 'ae. A krang kupaw Ccungccaw tuh ryachi bawm naw ma nyh khyh 'ae, tuh laeze phua mawenaw a thua ninkae zetuh ee ryalaw hynh a hooy, hooy khyh cipaw mah tua vaekhyh 'ae, Zisu nynh laepi vaw nae uhccaw tungkuh nan oh; Chihhan te ripaw nynh ae khozah miruh nynh a ru kho Tutakeccuze vawlan khua khe nae uhccaw kha ccy kuh oh, chihhan te ripaw nynh mah ae khokhyh zah miruh nynh mah ruh khokhyh Pawccema cize nae uhccaw a um naw kya khe nae thinlung mah a um bua cih, cite a cyi. (Matt. 6:19-21). “Akham” kha, sui te-ngunte uhcau eh a rytu keccuze a inn byng ryte lung te phe chihlan a deh 'ae. (Joshua 7). Zisu zuitu Judah Iscariot mah phua eh a ray tunaw nynh. Bawi Zisu kha zuasah zah nyalatuh thin kya sae kuh zah te nynh a chi. Sui te ngun, phua 'ae blyng nynh hooykhyh cipaw thua lite Ccungccaw lungkhu ee eh rytunaw te eh krang kunaw khanyh a hooylipaw ccaccin tu a thua.

Ccungccaw patae nynh thawbaan lite hoirum kha eh rytu 'ae keccuze “Phe” kawkuh 'ae zah “Lawng” kunaw a phuinphu in te a zawe 'aekeccu ze a maw te a innbyng hae kya hooylinaw patae a thua khae 'ae. Thawbaan lite hoirum rynaw nynh runaw, ccungccaw chianaw, amaw te amaw chia kuryhaw a thua khae. Krang kunaw te phua rynaw nynh ruiba patae hoi zah, tuh ee hae tu-minthaan rynaw, kaw hoi rynaw, ae nynh a thua. Kaw hoi rynaw tuh uk kunaw late thuasah hoirum te milae kya kaw hoi naw thuasah, beiknaw lante piccaan ta rynaw Pachia lae ze Kriceaw un sungсах huazah a mawbun

thualipaw blyng kha tuh vaala rialite um. (Mark 9:38). Zisu nynth raering ku te um oh la krang kunaw kha sibia oh, pawccemah cize Ccungccaw hiinnaw tuh laevaw sisua te rae paw thuakhyh. (Luke 12:15). Mirumpaw phungpaw kha Baebu ccaw nynth hynh te a ho "Vaekkeh tu oh lo kya ccatan kou a hooy paw ccungccaw lukkeh a um. A thinlung kya khe a tuaku paw tuh, Loh blyng hynh ka nungnaw um vae khyh, vate kacizemah a hooy cih? Hynh te kacyi sah, Ka loh inn 'ae kha kaphoou ngaw zah kou a lepipi late ka sak chuicih 'ae, tu ee kya tu kaloh te ka uhccaw 'ae blyng kha ka nungkuh cih, tuh kou te kamaw te kamaw kha hynh te ka hopah cih. Pou vee hooyawl kum patae pi halan phe zaw lante uhccaw na hoi vae, tuhkeccu ngaengan te na rythyh te um ccahvae, nah rypaw miakaw ae te nia te um ccah vae, ka cipah cih cite a ci, thuasalamah Pachia nynth hynhte a ci, mingaepaw, a tukhazi hynh na hiinnaw ccyh hynh phe a tha lanze nah tungkupaw nah uhccaw sisua blyng kha a hung nynth mou a ccou ngaw? Cite a khia. Zisu nynth ah thang naw lan a ho paw tuh, a maw lukkeh halaan kyalya uhccaw sisua tung kuh zah Pachia halaan mirya a chih paw 'ae tuh hynh haw te nynth a thua 'ae cite a cyi. (Luke 12:16-21). "Ccungccaw lukkeh nynth ee laephi hynh pong ah ccou zemah a hiinnaw phe a sung la athua ze a thane naw um zawta? A thane naw um kyh." (Mark 8:36). "Zisu nynthg a zuitu 'ae kha, naeni nynth nah aela ohpaw te nalawku la oh paw kong kya nae lungria thae nasah. Pawcce cize aepaw lae ze hiinnaw nynth abah pihua, tuh haw te uhccaw lae ze pynsaw nynth abah pihua nynth. Vawla ee pavaw kha doo tua oh, loo mah tuakukhyh 'ae zah, Ccacia mah vua ku khyh 'ae, thuasalamah Pachia nynth a kua 'ae nynth. Naening tuh pavaw lae a let patae pite nasung hua oh, tuh athuakeccuze ae lanpaw te nia lapaw kya lungriathae te um na oh. Nae Pachia nynth naning ee lan ah ho a bou paw uh pong a ny kou. Ah pee naw te dinnaw kha ccung ty oh la tukoute a ho a boupaw miakaw kha ae pya cih oh. Tuurun traw ae, nae thing pha nasah, pawccemah cize nae Pachia nynth a peenaw kha pya ae ry oh, na hoi oh paw uhccaw kha zua oh laa, phua kha vawla khe khumku tua oh, tu ee kya tu miruh nynth ruh khokhyh zah cihang nynthmah ae

khokhyh keccu ze zyangung thya ngaw khyh, tuh a piaze nae ro. nae uhccaw a umnaw khe nae thinlung mah zungzae a um bua cih cyi te a cyi." (Luke 12:22-34).

8. SETAN – hyng bya honaw te ah hyngpaw Ccungccaw miaakaw aemih paw, a thua paw Setan hynh Seinaw rae sah khylan Ccungccaw thinglung kya rya a lah tupaw nynh a thua. Zisu nynh nae ning tuh Setan ccaw 'ae na thua oh zah na tua sah naw oh blyn kha nae paw Setan ry naw nynh a thua. Amaw tuh kou a tuakaw ninte Ccungccaw theh paw nynh a thua. Bahccin kha vacisalazemah ry boikhyh. Pawccema cize a lungkhu kya bahccin um bang khyh, hyng hbya he te a ryalaw maepaw khanyh a law, Pawccema cize a maw tuh hyng bya ah hopaw thuazah hyngnaw blyn Paw nynh a thua. (John 8:44). Ditaripaw hyng bya ho paw hynh a lepipaw hyng pawte laekhyh, hyng cikuh pawtuh byate hyngpaw ccaw zeite hyngpaw, ryalaw te hyngpaw cite a phuinphu in a um, ah zia zae kou a lung pawtuh a hyngthya paw nynh a thua, pawccema cize, a thualipaw kha a thua paw hawte a ho kho 'ae, Pachia tu hyng thyakhyh zah tuhawte Kriccaw ma a thua bua. (Titus 1:2). "Bawipaw ryte hoiccaw tannaw kae hoi a cih oh zah moh naw lungkhu a um ung oh a thuazetuh, bya te, ryalaw te a hyngpaw nynh a thua oh." (1 John 1:6). "Ui hawte a thuapaw ae te, ae arypaw 'ae, a ohfua paw haete hyngbya a ho 'aepaw miakaw kha tuh kohpi a khungla nynh a um cih 'ae." (Bia. 22:15). "Pachia nynh hyngbya a hopaw miakaw te uno laku'peku, maekunaw athuasah paw tuh kou a hua nyn!" (Pro: 6:19).


9. AWSI – Awsi nynh Ccungccaw lungkhu kya ee athya, a hooy laesahnaw thinlung kha amuih sak, horypaw tuh hooykhyh cipaw pha nyh pawte, hooylinaw arae, tukeccuze a seinaw nynh achi sah, aseinau te amit a zuuvae, athya ahooy laesah thya vaekhyh. A thindying nawmah sunkuh kho vaekhyh, lungria thae te um zah zynnaw khaa apoutaw keccuze thaekho vaekhyh, hungbya ahopaw muisaw byakha ngaezah, kohzi Setan ccanyya nawkha a zui, Ccungcoaw linn a manpaw te ahhyngpaw ccanyanaw kaw kha angae. (1 Tim. 4:1,2; Heb. 10:22).

10. MIT – Pachia mit nynth ccungccaw thinlung kya a umpaw uhccaw kha pong amuih kou, A mit a awlaw lungkhu te vapaw uhccaw mah thuruh kholan paw a um khyh keccuze, Ccungccaw thinlung nynth aruh, aphi lante a paccyng kupaw blyng kha pong amuih. Nah raepaw uhccaw miakaw kha a moh naw, khuazi lungkhu a thuazemah, tupi lungkhu te akhu huapaw hungfua lungkhu a thuazemah Pachia nynthuh phe amuih kou.

11. MAESOI TRAW 'AE – Pachia sunghaw naw nynth Miseipaw thing lung a koih lu paw kha alangshah, Pachia nynth seinaw tuh kou hua salazema Miseipaw Ccungccaw khatuh kou a sunghaw keccuze Ccungccaw lukheh chi lanpaw hynth hysah khyzhah miseinaw hynth cciataw hae salah hiin 'aesah cite kou ary. (2 Peter 3:9). Zisu tuh misei khumkhy lan, nynth ounthua, vawlan khua ze seinaw a ngaesi kuh paw halaan lungtuanaw a um. (Luke 15:7). E maesoi traw 'ae nynth Pachia Ccapaw laepi seinaw apu tu (John 1:29) Zisu chiise kha ah muih sah.

12. VAW CCUNGCCAW – Hynth Pachia byate syntaw naw nynth athua. Pachia nynth seinaw phuri paw 'ae kha hopya ary 'ae, tute zetuh miseinaw kha eciataw ngawhae zah mi thinlung kyakhe, awlaw te sunghaw kunaw kha oun tee kho cih.

13. VAFUU (Vah huu) – hynth thyamuisaw muih saklaw nynth athua. Pachia Muisaw nynth Pachia konglaan bahccin te, seinaw, adingpaw uhccaw te Pachia byapia naw kongkha amuih sah. (John 15:26). E kya hynth thyamuisaw tuh tu thinlung ah khung la khe nynth a um. Sei naw nynth a uk paw thinlung lung khu tuh. Pachia thyamuisawpaw um khokyhyh. E sawkhum lungkhu ee ci sah naw te nah cyi sahnaw a loo kuh athua ze tuh Pachia tuh ko laa, nah thinlung thuakaw kha ong tua, a awpaw Pachia bya kha tee sah la bawipaw Zisu kha zying tuah, khum paw nathua cih.



2. SEINAW A NYH KUPAW THINLUNG

SAWKHUM CCANNING NAW

Ee sawkhum nynh seinaw ngaesi kuh zah Pachia ccung lante apaccyng kupaw thinglung a muih sah. Vaw ccungccawpaw nynh "Pachia thahloi, hiin zah a thawng paw, letnin a he paw thahloi laeze a he huapaw muisaw te thinlung kyacia, ruu te kincui ryacia apfia khopaw, Ccungccaw rynaw te thinlung, blyng a phia khopaw." (Heb. 4:2). Thahloi tu accyng ku. Pachia bya nynh "Seinaw mee tuh chinaw nynh athua. (Rom. 6:23). "Ccungccaw blyng tuh vaekkeh a chih kou 'ae te Pachia bya pia naw a thua cih" (Heb. 9:27) ci paw kha bua a nysah chui. "Misei 'ae te zyntu athualipaw miakaw tuh mae te kee te a ruapaw mae cuili lungkhu kya aum cih 'ae." (Bia. 21:8).

SEINAW A NYH KUPAW THINLUNG

Vaw Ccungccawpaw nynh a kuit voikkeh lan te Ccungccaw luruupaw kha a ccyng a horypaw tu Ccungccaw blyng achih paw mawcci nynh ah thua cipaw kha misei 'ae a nysah ry keccu nynh athua. E kou asungсах oh paw apyngsaw hynh tuh a chih cih zah laepi lan a taa cih, thuasalamah a muisaw paw hynh tuh zungzae te hiin ngaw zah Pachia malaan bya pianaw kha a in cih. (2 Kor. 5:10).


Ee kyahynh miseipaw nynh sei ngaesi kuzah Pachia sungсах naw kalasan a ccia paw kha amuih oh, a moh paw thinlung kha Pachia thyamuisaw nynh awnaw te a kaw, Pachia awnaw kha a lungkhu kya oun awtetun mehnaw miakaw kha ah zo vae. Sarampaw phuin ccin kha mah a ccia te a pou a hoo vae, tu hawte ka sungсах paw uno, labepi awnaw a thuupaw Zisu kha na lungkhu kya tee sah lah moh naw te mohnaw lungkhu ee a hooylipaw ryalawnaw miakaw kha tuh mah rya a zoo cih. Sawkhum lungkhu ee thyhhawte, Zisu nynh "Kae tuh laepi aw naw nynh kathua, kamaw oun zynpaw miakaw blyng tuh hiinnaw awnaw kha a hoi cih 'ae zah moh naw lungkhu um vae ngaw khyh 'a (John 8:12) ah ci. Namaw na hawnaw nah thawng naw nynh tuh, na lungkhu e seinaw kha thyasah kho lankhyh, tu thuakeccuze awnaw athua paw Zisu

kha tee sah la seinaw te moh nawkha pong a zoo cih. Sawpaw te Awsi hynh awnaw hoi buasalah zemah Khuaniin he oun thuavae ze mih awnaw kha pong a zoo vae. Zisu hynh diinnaw, awnaw ccin paw a thuathyh hawte, Jerusalem beikinn lungkhu a tee ninkha, uhccaw zuapaw haete, a repaw hae kha pong a de ae, Phua ah ruu ae pawte, Valaele a zua paw ae Ccapoi kha pong a khyh, Ka Beikinn tuh sawsan naw inn nynh athua cih, cyite, ccahthya nynha cyi, thuasalamah naa ning nyh tuh Miruh ae rekunaw, Kaulaan narae oh, cite a cyi ae. (Matt. 21:13). Nah thinlung tuh Pachia inn laan rae paw nynh a thua, A lungkhu kha umte, thyasah te, awsah, lungtua sungсах kunaw te bia sah a ry. Bawipaw Zisu tuh sei ngaethya khy laan kyalya oun rung paw thua li te, ngaethya vawsaw lungria thae nawkyate, lawe sah khy laan oun rung paw nynh athua "Ccahpaw (Zisu) nynh ae lawe sah oh athua zetuh nah lawe ccahccin cih oh." (John 8:36).

SAWKHUM CCATHUM NAW

E sawkhum nynh seinaw bahccin te a ngaesi kupaw thinlung oun muih sah, hotuh cia mou kasei, cipawte luathua te rilan kou a um paw a seinaw kha a muih ku, tulaeze Zisu nynh oun chipya nua nah thepaw kha, a muih vae. Vaw Ccungccapaw. Pachia bya nynh a muih sakpaw vaelantah nawkha hee oun muih tu a thinlung ah koi. A seinaw eh lung tupaw kha, a thinglung ccahccin te oun thokuh paw ngaesi kunaw nynh pong a bum. Pachia sungсах lesae nawkha, hee oun nyh tuh, a thinlung koizah ngaesikunaw te a thinlung kya a beh. Pachia ccapaw Zisu Krih tuh kae kahalaan nynh oun chipya, ka seinaw kha pong oun thyasah pya vae, cipaw Pachia sungсах naw kha hou hou oun nyh vae.

Bawi Zisu tuh kae kaseinaw keccuze zia 'ae, bua 'ae zah hinpaw lukhum khum sah 'ae. A kuit te a ccu sivaw te khiade 'ae zah, vaelantum vawlaan kae kahalaan oun chi pya cipaw kha, Ccaerarih late a ny vae. Pachia baebu ccaw oun riazah amaw te amaw thawlaan te doo ku hawte oun muih kuvae. Kae hynh Pachia kya te hotuh ciamou laanpi kavae zah



3. A NGAESI KUH PAW THINLUNG

hosemou ka sawku vae. Cipaw kha hou hou oun nyh vae. Ngae thya naw, lung koi naw ah lepi te Pachia malaan miphi luate saw san zah Pachia kha-he oun ko te tuh Pachia nynh a maw klaan khe oun nae kuvae. "A Ccah paw Zisu chiise nynh ka seinaw blyng kha pong athya sah vae." (1 John 1:7). Cipaw kha hee oun nyh tuh Pachia kya ee sungсах naw te daenaw kha athinlung kya oun mawe vae. "Pou ka Pachia thinlung thawpaw oun pyalai na thyamuisaw te oun umkhae." (Psa. 51:10). Pachia bya nynh hynh te a hoo, "Nyasah kunaw te oun ngaesi kuh paw tum vaw ka lungtua zah Ka raw rih zah Kakaw a ngaepaw tumvaw kya kalung a tua." (Isaiah 66:2). Thyamuisaw nynh Pachia bya kha athinlung kya ah ccaesah, Kaccaw na raw thah nasah, na seinaw blyo marya kae ngaethya vae. (Matt. 9:2). Vaelantah nawte vaelantum vaw ee a luapaw chiise kha doo zah, hynh ee blyn hynh kae kahalaan nynh a thua cite zyzah a phuripaw blyn kha, marya lawya a thuavae. Pawccema cize Zisu nynh aenin ah in lan oh paw kha, pong oun in pya vae, a seinaw oh keccuze buanaw te zianaw in zah a vaemaw thawngte aenin nynh damnaw a mawe oh. (Isaiah 53).

Pachia sungсах nawte thyamuisaw te thyasah a thua paw, thinlung kya thyamuisaw a um. Zisu hee oun zyn tetuh "**Zisu chiise liate kaseinaw blyn pong oun thysah pyavae** cipaw kha a thinlung ccaccin te ccaerarih laan oun ny vae. (1 John 1:7). Zisu a zynpaw muisaw tuh chih vae laankhyh 'ae. Zungzae luu hiin naw a mawe 'ae cipaw kha, ccaerarih laan oun ny vae. (John 3:16). Pawccema cize seisaw ku nawte a chinaw nynh oun lawe sah vae, ah seinaw oh miakaw kyate ngaethya a thua vae oh. (Efe. 1:7). Ccungccaw thua nawte laephi rynaw blyn laeze, oun sung sah tou paw. (1 John 4:19) halan hiinnaw pyaku te ryalaw rynaw thinlung oun hoi vae. Laephi te laephi uhccaw kha sungсах vaekhyh zah Pachia rynaw te Pachia uhccaw khanyh oun ry hua vae.

E sawkhum kya hynh seinaw athuapaw Sarampaw phuincchin 'ae tuh ah khung la te a lialaan pong a um vae 'ae. Thuasalamah Setan thanyh ah um tounaw kha, cciataw

rykhyh zah vakhum satemah ka tee chui kho ngaw cite ah zuakuh ung, tuh thuakeccu ze bawipaw Zisu nynh sawsan naw te raering ku te zungzae um oh oun ci. Setan kha ah ccanla a ccawe kho nawla dou oh laa raering kute sawsan te zungzae um oh cite oun cyi nyn. (James 4:7).

SAWKHUM CCAN PALI NAW

E sawkhum nynh a muih sak paw tuh Kriccaw thua vae zah ngaenganaw a mawe paw vae te, Bawi Zisu a chinaaw thongete zungzae luu hiinnaw ka mawe vae zah, tuh ee vaelantah naw thongte, kae tuh laephi halaan a chih paw nynh ka thua vae, tuh haw te laephi mah kae ka halaan tuh a chih paw nynh a thua vae, cite nyh zah Zisu vaelan tah naw kyalya asungsah paw thinglung kha muih sah. (Galati 6:14). Zisu vaelantum kya a chinaw thong te, ae nin mah seinaw kya a chih oh zah diin naw elan a hiin khonaw lan oh paw nynh a thua. (1 Peter 2:24). Kriccaw tuh laephi pynsaw halaan a chih paw a thua vae oh zah Pachia thyamuisaw laanpi cciakhaenaw te laephi rynaw laan ccia lilan vae te kawbya pyapaw nynh a thua vae oh. (Galati 5:16,25).

E sawkhum kya bynh a uhccaw te a khia de naw 'ae thin vaelatum te ah bua naw 'ae paw Saphua rui 'ae kha pong a muih oh, ae nin seinaw kiaccu ze detah naw a in paw thowngte ngedanaw a mawe oh. (Isaiah 53:5). Heroad a rawkaw nynhas sahryanaw te bua 'ae zia 'ae zah hinpaw lukhum a khum sah 'ae. Sui te raepaw bawi lukhum kha thualite, siangpahrang ccoitaa ccyng sah lite, ccongngoi huataw kha a ccyng sah ku kou 'ae te sah rya naw te a malaan khe bakhum ae zah "Judah siangpahrang paw nah shee kou vasae vae sah" cite a maekya tuin te a thoi 'ae. Ccongngoi kha law kuh 'ae zah ah luu ah bua 'ae, sarya nuinse nawte a zoinah kou 'ae te, vaelaantah naw laankhe chia laam a ccia khae 'ae. (Matt. 27:27-31).

Kriccaw min phu kuh bua zah, saw mah a sang kuh bua, bawipaw zerya mah maan bua zah, hlawmah a sah bua.

KRIH RI TE A
CHIH KHEH PAW.
Rom. 6:6

NA TUH NAH
CHIH VAE, NAH
HIINNAW TUH KRIH
RYTE PACHIA KYA
THURUH A THUA
VAE. Colose 3:3



4

4. KRIH KYA A CHIH KHEH PAW THINLUNG

Thuasalaman seinaw rae te umtu ziaza hooy lipaw raete, Pachia ccah paw vaelatum kya a khia de chuipaw patae a um oh. (Heb. 6:6). "Bawipaw Bawipaw cite oun kopaw miakaw te vawla peenaw tuh tee kho ngaw khyh 'ae. Vawla a umpaw kapaw nynh, tua haesah cite a rypaw kha a tuapaw kyalya nynh a tee kho cih 'ae." (Matt. 7:21-27).

E sawkhum kya hynh Judah Iscariot phohbawm kha a muh oh, a maw tuh Bawi Zisu kha ngunphua sawm thum laa zua kuh paw, nynh a thua. Phua eh ry tu naw nynh a thingumg kha pong uk vae zah a ccanpaw tuakho vaekhyh. Maeinn te sivawrui hynh Zisu a kyng tupaw 'ae nynh a maan paw 'ae uhccaw nynh athua. Ccongngoi paw hynh mah rawkaw 'ae nynh Bawi Zisu ankii nee kunawlaan a maan paw 'ae nynh a thua. "Ka uhccaw tuh Ccongngoi, dung te nynh a nee ku hua 'ae. (Psa. 22:18). Zisu a uhccaw tuh thawmawte luakuh 'ae salamah a maw tuh lawkuh ry khyh 'ae, a vua 'ae. E Ccongngoi paw hynh siangpahrang la tuh kae rykhyh, a ci 'ae.

Ccongngoi paw patae nynh Pachia kya ee hythuanaw aphuinphuina a ry 'ae, Thuasalamah a Bawipaw te a Pachia lan tuh lawkuh ry khyh 'ae, pom rykhyh 'ae, Ccongngoi paw patae halan tuh Pachia tuh mi vawsaw ccyh lya ze a bawm tu laan sahsaw nynh pyh a ry 'ae.

"Ccoi te a nawkya thuin 'ae zah, chiise te cui kha oun toikuh." (John 19:33-37). Aw vae kheh a khua maw ze Peter nynh kanykhkyh cite vae thum a vua Thuasalamah ngaesi kuh zah thawmawte a rah. (Matt. 26:69-75). Ka thinlung Zisu kapya cite nanso namung na lae te na phou ba tou? A thua khyh ze Ccongngoi ae nynh oun nyh sei cih 'ae cite namae a thyakhae ku tou? "Zisu nynh a hum ccungccaw ze mah, a uhccaw nynh kathua cite min 'ae malaan a phou kuh paw 'ae tuh vawlaan kapaw malaan ka ccungccaw nynh a thua ci te ka phy buacih, thuasalamah zapi malaan oun vua paw tuh vaw laan kapaw malaan ka vua buacih" cite a cyi. (Matt. 10:32,33).

Zisu nynh "hum ccungccaw zemah a maw vaelatum puit kute kanoh ounzui lipawtuh ka zuitu laan ngaeku khyh 'ae" (Matt. 10:38) cite a cyi. Lungpi a thuapaw Zisu thongkhawnaw a mawe paw 'ae tuh lungtua paw nynh a thua ae.

"Atynpaw lung Zisu Bawipaw
Na lungkhu kya oun re sakuh
Ccoithuin vaemaw, nah naw kyate,
Oun toikuh paw chiise cui nynh
Ka seinaw kha oun thyasah zah
Oun dam sah sah vae, a thawngnaw te."


SAKHUM CCAN PANGAW NAW

E sawkhum nynh a thyapaw vae miseipaw thinlung, Pachia thawcci nawte a beh paw vae kha a muih sah, hynh ee thinlung tuh Apaw Accaw Athyamuisaw Pachia beikinn laan a tan vae. Bawi Zisu Krih nynh hynh hawte a ho, "Ahum Ccungccaw zemah kae oun sungсах zah ka ccanpya nawa a zui paw tu kapaw sungсах naw kha ccou ngaw 'ae zah kapaw ryte a maw kya khe kae um bua cih." (John 14:23). Pachia nynh Zisu Krih thawng te ccungccaw tuh hythua pya zah a haang thum nyn. (Luke 1:52).

Hynh ee thinlung tuh Pachia beikinn laan a taan ccahccing paw, nynh a thua vae. Seinaw blyn kha marya dee thua vae zah Sarampaw phuincin te "Hynh" bawipaw Setan nynh a uk naw hmin kyakhe, Pachia bahccin te a thyamuisaw nynh a um vae. Seinaw hmin kha thua vae lite kou puithya zah "thae" phuincin a thaepaw thinku um naw kokhu laan tan vae zah athyamuisw thinthae a phuincin, sungсах kunaw, lung tuanaw, daenaw, zah kaw sangсах kunaw, lungsae naw, thawcci thyanaw, ccungccaw hooy thua naw, zynpaw thuanaw, amaw te amaw taeku khonaw, 'ae blyn kha ah thae paw thinlung nynh a thua vae. (Galati 5:22-23). A tutuh tha hooy a thae paw Misur ku, Zisu te a kyng kupaw misur karaan ccahccin tuh a thua vae. E thaehooy paw zungzae thae kho nawlan paw tuh Zisu Krih te zungzae kyngku hynh nynh a thua, Krih

SUNG SAH KU
NAW LUNG TUA
NAW DAE NAW
ZYN PAW THUA
NAW
Galati 5:22,23

THAW CCI NAW
HOOPY NAW LUNG
SAE NAW ZAH
KAW SANG SAH
KU NAW AH NAW
TAE KU KHO NAW



5. PACHIA BEIKNAW INN

te bahccin tuh a lungkhu khe a um. (John 15:1-10). A maw tuh Thyamuisaw cuipi innaw mawe vae zah muisaw te a bia keccuze, pynsaw rynaw kha sumkuh kho zah amaw te amaw taeku khonaw a hoi vae. (Gal. 5:24). "Naw" nynh thaenaw "Mit" nynh muih naw te hiin vae khyh zah zynnaw te nynh a hiin vae, pawccema cize laepi a taenaw oh tuh a zynnaw oh nynh a thua. (1 John 5:4). Bawipaw Zisu oun rung chui lapaw kha kou ngaehooy zah thawzung kou sae te a tynpaw zungzae hiinnaw kha a hoi vae.

"Thinlung a thyapaw Ccungccaw tuh lungtua paw nynh a thua 'ae, Pachia kha a muih ich ae." (Matt. 5:8). Siaphampaw David tuh mirum pipi thua zah a raw blyn pong tae kou salazemah rhaw a leehuapaw tuh ka lungkhu hin a um cipaw nyh zah muisaw laante thawzung kou ah zyapaw kha a ny keccuze Pachia kalaan hynhhawte saw a sang, ka lungkhua kya hynh thinlung thawpaw ounrae pah chui la, kaw a ngaepaw thinlung thawpaw kha ka lungkhu kya oun nung pah, cite a cyi. (Sam. 51:10). A hum Ccungccaw zemah a thinlung kha amaw te amaw rulae kuh kho khyh, a thaw paw mah raekuh thya khyh. David hawte thinlung rulaeku naw ccahccin te Pachia klann ccia a ho! Pachia nynh na hiinnaw kya uhccaw thawpaw raepya kou ae ry, thuasalamah namaw zuakunaw te hooyhaw na raepaw kha nynhtuh Pachia umnaw a thyapaw hmin tuh thuasah kho ngawkhyh. Pachia nynh bawm kou ae ry, thyaah kou ae ry, pawccema cise "Cui a thyapaw kha kae thei ngaw zah naa ae thusah paw na khorum te uhccaw ae blyng kha ka thyaah cih. **"Thinlung thawpaw te tuanaw thawpaw kae pya cih, lung hawte a taangpaw na thinlung kha kalah cih zah kaw ngaepaw thinlung kae pya cih. Ka muisaw kha na lung khu kya ka nung cih zah kae pyapaw kawbya blyng kha kae zui sah cih."** (Ezekiel 36:25-27). Hynh ee ae blyn hynh Ccahthaw nynh oun ccan pyapaw a Ccah paw Zisu Krih thawngte oun pyapaw ae nynh a thua.


Setan mah thinlung a telaa khe a dahan bua, a umnaw rynpaw kya bua um chui kha kou a ry, tukeccuze hynh hawte raering naw oun pya, Raering kute zungzae um ohlaa nae

rawpaw kha via ku tua oh! Nae hraw paw Setan tuh a siapaw Chindeh hawte khia kuh zah teii lapaw kha thawmaw te a zah ku nyng. (1. Peter 5:8). Vaw Ccungcaw ae haw te ah awnaw kha rulae kuh zah, a sawphah kupaw ae Pachia Ccaw ae kha laephi uhccaw rynaw te ah tou ae, a hawnaw a luboih te Pachia poopaw Ccungccaw ae khamah ling lante a nou ku ae nyn. Thuasalamah zungzae a dou kho oh zetuh ah kyate a ccawe cih. (James 4:7).

SAWKHUM CCAN TARUH NAW

Hynh ee tuh ngaethyanaw thinlung nynh a thua, tou naw te nuh laa a kipaw thinlung mah a thua. A mit voikheh lang mahsizah Kriccaw hiinnaw kyate a ngawphu kuh paw nynh a thua. a daepaw voikheh la ee mit khamah laephi rynaw uhccaw nynh a doo vae. A loh ki ee awnaw kha moh vae zah Krih elaan vawsaw a innaw kha mah ah zou vae. Tounaw phuincing nynh tee za dou vae lite a zuikuh bua vae, Pachia byakha ngae ry lei vae te Setan bya khanynh a ngae ry vae, Pumku bualaan a ccia zemah a lungkhu kya laephi rynaw phe beh bae zah, a lungkhu ee a um toupaw Pachia sungсах nawkha tuh pong a kya vae. Iaanpi ccanning laku khenynh a thadyng vae. Pachia rynaw te hiin sah kuh khi salazemah a thinlung kya tuh laephi rynaw nynh phe ah tae vae. A lungkhu ee athya ahooy nyng nawpaw Awsi mah phe a moh vae. Vaelatum khamah a phuri paw lan nynh a taa vae. A zynnaw kha a pia vae, sawsan mah hua vae khyh, Kha te tuh a pee e ungzae a buh paw Setan kha a thinlung kya bua tee chui laan a nou kuh vae. Pachia ccungccaw ae laeze misei ccungccaw hooylipaw hae ry kom kukha a ry hua vae.

Buatua poku rynaw, lysah kunaw kha bua oun tee vae. Pachia thawcci naw te khum naw kha phe a ning vae, a lysah kupaw kriccaw lan nynh a taa vae. Samaw nia rynaw thinlung mah tee bua oun ry vae, Samaw neh paw ruiban te tongku ze ah lee sah kuh oun cih ngaw ae, a thua khyh ze nia bua lite tuh hooy khyh ci tahhaw teta, A thua khyh ze a lah ccanvae vaekheh, vaenin niapaw tuh paw tua umkhyh




6. TOU NAW TE A RULAE KUH PAW THINLUNG

cipaw Setan bya kha law ku zah, samaw kha a nia buavae. Thyamuisaw rynaw te a rawse kuh paw, rynaw thinlung nynh a hoi vae. A thya lipaw umtu ziazae te, a hooy lipaw sawkhum kha bua a doo vae. Pynsaw rynaw te phe beh vae zah Setan nynh vaekheh, vaenin seinaw raepaw tuapaw tuh paw tua um khyh, vawram mah sungkuh ngaw khyh. Vawram kaenaw khawkuh khyh, Laephi vaw tuh a phungpaw nynh a thua cipaw Setan bya khanynh a zyng hua vae.

A maw klan tuh seinaw pavaw phuincin nynh oun zou nua vae, tuh ee pavaw phuincin tuh dee rylite a bu a lua sah kuh ze tuh, eh a sei tuvae, Setan tuh umnaw hynhci tari na pya zetuh na thinglung te na muisaw kha Hell ccaw khylaan ae dong vae cih, tuh a thuakeccuze raering kunaw ounpya hawte, pynsaw rynaw kha sibia lanpaw nynh a thua. Zisu kalaan ccawetaw lanpaw nynh a thua. A maw tuh na aekhum kho tupaw Pachia Bawipaw nynh a thua.

Ccezung te thinlung a thuin pawnyh Kriccaw sarya nawkha oun muih sah. Hyngnaw, Linnaw, Bya ho thya naw te Kriccaw thinlung kha a thuin ae. Tuhee tu lunthing atyn lipaw nynh te inkhokhyh. Pachia laeze ccungccaw rhaw kha a rihua vae keccuze, Pachia kya te a zo vae, a lungkhu khe ngaethya naw te, thingdyng naw lung riathare naw te nynh phe a bia vae. Karaam kunaw te milae ei umnaw fuhpaw blyng mah a lungkhu laan oun te bua tetuh, pokunaw te huakunaw a thua khae vae.

Zisu nynh tounaw kya na ccaw khyh naw laan oh, raering ku oh laa saw san oh, (Matt. 26:41) oun cyi pyapaw kha a ngae khyh oh ze tuh phua rynaw thinlung kha mah a tee bua vae. Ka thadyng kho a cih pawkha a khuh lia ku khyh naw laan raering kuh-sah. (1 Kor. 10:12). Pachia nynh ae pya oh paw zunghe kha lawku tua oh, pawcce cize Setan khah na dou kho cih oh. (Efe. 6:11-18).



7. NUH LAAN KI ZAH LUNG A KHAWNG PAW THINLUNG

SAWKHUM CCAN SARI NAW

E sawkhum nynh Pachia awnaw kha a lungkhu kya um vae zah, Vaw laksung mah mawe vae zah Thyamuisaw mah a mawe koute, Zynnaw khuhlia kuzah nuh laan kipaw thinlung kha oun muih sah. (Heb. 6:4). The hooy paw bya ngae rykhyh zah Pachia a nyh lipaw thinlung mah a thua. A lung khawng zah Pachia bya a ngae, ry lipaw tuh ronaw laan a cceh cih ae.

Nuh lan kinaw kong kha Zisu nynh hynh te a ho, khozhii, Setan tuh ccungccaw lukkeh lungkhu te dee thua zah umnaw hoi lite a khia kuh, umnaw kha a mawe khyh kiaceze ka um maenaw laan kava doo tua, cizah a ccung haa pawkha a muih tuh ah ruibaan loh sari hy kuzah tu ee paw thinlung kya bua a tee chui ae tuh a laanmaw nilaeze a sei hua nyn, cite a cyi. (Luke 11:24-26). "Ui nynh a lua ae kuh chui cipaw phumpaw nynh a kyh vae." (2 Peter 2:22).

Baebu ccathya nynh nuh laan kipaw te Pachia nyh lipaw thinlung kong laa, ccaerarih laan oun ccan pya. A maw tuh seinaw nynh a uk, a mae soi te a umtu ziazae te a nyh kuh. Pachia thyamuisaw vafu tuh seinaw te pynkkeh laan a um thya khyh keccu ae ze ah khong laan phe a pou vae. Pachia bya, Vawccungccaw paw mah ngaethya te phhe a cceh vae. Ccah paw zo paw hawte nuh laan oun ki ung ve (Luke 15:16-20) cite Vawccungccaw paw nynh a doo leh, oun ki ze tuh lungtua te dawe laa cite paccyn ku salamah ee sawkhum kya ee hynh ngaesi kunaw ccaccin te nuh laan Pachia kalaan ki vaekhyh.

E sawkhum nynh thinlung ccaccin te ngaesi kuh zah Pachia kalaan a cceh paw thinlung kha muih sah vae khyh. Nakaring hoi salazemah Zisu konaw bah ne paw kha thae kho vae khyh. Mit hoi salazema a malaan ee Hell mae cuili kha muih kho vae khyh. Seinaw rae hynh maethya khae ku mah nyh vaekhyh, Setan nynh a thinlung kya Bawi laa taang zah a uk vae. A vaw lan tetuh Pachia ccungccaw ung te um sah ku


zamah si a raw paw a tuh kuh paw hsaoku nynth a lo vae, A vawlaan te kou puithya salamah a lungku tuh a myng paw ccungccah rua nynth a um. (Matt. 23:27).

Hyngnaw te seinaw saram paw phuincin kha a lungku kya phe beh vae zah, seinaw blyng lung khu te lawe ry zemah lawe kha vae khyh, Moses kawbya a thusah paw tuh Cceaekia loh ning a um thua ze thawccinaw um lite lung te deh 'ae zah a chia ae. Tuh te a thua laanze Pachia ccah paw yala ria khyh zah, Seinaw te oun thya sah paw Chiise Pachia bah king naw tuh zyng li te a thaw cci naw te a thyamuisaw a sah rya paw ae tuh vatemou a thua ngaw 'ae? Vatemaa detah naw kyate a lawe kho ngaw ae ci paw kha, tua tua oh. (Heb. 10:28,29, 2 Peter 2:1-14).

Ka sungсах paw kabaang ee sawkhum kya ee thinglung hynhte na hiinnaw na thinglung te a lookuh sei ze tuh na lunthing balynn te Pachia kalaan khe sia laa, sawsan tuah. A tute malaan cia Pachia kalaan a cceh paw miakaw tuh a khum cih ae. (Heb. 7:25). Ngaesi kunaw ccaccihn te a kalaan na ccia ze tuh lungtua naw te ae ngaethya cih. Na lungku ee Setan blyng kha kaw napyia zetuh ae dee pah cih. Vaethya kaepaw nynth Bawipaw na ryzetuh oun thya sala cite kaw pya haw kha te, kaw na pya ze tuh, kah ry, thya ccah vae ae cih cih. (Mark 1:40,41). Thuasalamah nah lung khong zah tuh lae ze moh naw na ry hua zetuh na tuungvaw ngaehooy naw um vae khyh, bawm khomnh na thua vae khyh. Pawccemah cize hiinnaw lae ze chinaw na poku hua keccu nynth a thua. (Rom. 6:23).

SAWHUM CCAN TARYA NAW

E sawkhum kya hynh a lung khong paw Misei, Zisu Krih kya lung a paleh ku ry lipaw te seinaw a tua paw sawkhum nynth a thua, a pynsaw ccinaw te phe beh, a hiinnaw tuh chinaw nynth oun nae vae, Chinaw (Ccongccaw ruu) tuhka rykhyh ci ze mah thua kho vae khyh. Oun thuanua vae. Seinaw te hoosah nawkha pong a zo vae. Riilaan kou umpaw seinaw



8. MISEI BYA PIA NAW

mee tuh tong a hovae. Hell te innaw kha a tumvaw a thuanua vae. Sawsan chui lante a nou ku zemah thawccinaw te zungzae a ngaw paw Zisu kha, kha ee ccyh kya tuh muih kho vae khyh, ah baan 'ae nynh umpe 'ae zah thawzung pyanaw bya a ho pyapaw 'ae mah, thah nenaw um vae khyh, a hoipaw uhccaw si su nynh mah, hiinnaw late muisaw khumnaw mawe khonaw laan taenin vae khyh, a raepya khopaw um vae khyh. A thinslung kya te Pachia kha tua zah tuakho vae khyh. Pawcce cize ccyh hooy paw nynh phe a cciataw vae.

A hiin nua the paw hooy sah naw blyn nynh a nuin se vae 'ae. A Pastor paw te Kriccaw piccan 'ae te, a puichui li paw a hoiccaw blyng 'ae nynhmah bawm kho vae khyh 'ae. Pawccemah cize Pachia thawccinaw kha vua zah a tutuh byapianaw kha a in vae. A tu vae tuh a hiinpaw Pachia kuit tuh riilan kou a um paw nynh a thua vae, (Heb. 10:31). Cipaw kha hou hou ounny vae. A ccyh oun ciku thya ze a chidyng sakaw a hiinnaw Pachia kalaan pya ku la te tua kuh sa lah ze mah a ccyh nynh phe a thang taw vae, ccungccaw patae pi tuh tualipi te vaekkeh te chih 'ae zah a chidyng 'ae cia Pachia kalaan paleh ku maan lite a chih 'ae tuh thuakeccu ze a ccyh um lyate oun naeku ccyh lyahynh, Pachia kalaan lung paleh kulaan paw ccahccin nynh a thua. A chi ninkhetuh Pachia bya nepaw kha thae vae lite Bawi Zisu nynh "Cceh vae" Nantuh Pachia ccaesah paw nynh na thua, zungzae Mae cuilli Setan te a ccungccaw, ae a umnaw laan paccyng paw kalaan khe vacceh vae" (Matt. 25:41) cite acyipaw rooy nynh a thae vae. Ccungccaw blyng tuh pong a chih cih oh za tukoute Pachia nynh bya bua ounpia ung cih. (Heb. 9:27).

SAWKHUM CCAN TAKUA NAW

Hynh ee sawkhum nynh tounaw a phuinphu in te syntaw naw a phuinphu in kha Pachia doolia kunaw thawngte a taenaw thinslung kha oun muih sah. Tounaw a phuinphu in nynh thuanua sala zemah Zisu Krih zungzae a dooliaku naw thawng te a thaan naw cia a thadyng kho. Kriccaw "Ccaewe" taekunaw kya

a thang nawcia a ccauwe vae, Paccyng kunaw kya ka thumaw laezung cinaw lungthing te ccauwe zah a ccyh zawte a chih. Zisu Krih kya a mit a nung zungzae, ah zyngnaw oh tuh a thonaw te a thang nawcia Zisu kya nynh a thua. (Heb. 12:1,2).

Setan te khohzii 'ae nynh zyntu thinlung tuh a koih 'ae, Pachia ccah paw kha laan ccala cciakhae laante a paccyng ku 'ae, tuh ee 'ae tuh, Phua rynaw, kraang kunaw, Po kunaw, ziazae hooy lipaw raerynaw 'ae nynh a thua. E sawkhum kya kaesing (Kaepaw) ccalaan "Laa" (marang) kha a muih oh, seinaw tuh milae kalan te a phuinphuinh te ah kalaang oun thua kho cipaw nynh a thua. Thuasalamah a raering kupaw kriccaw nynh tuh "Moh naw" Setan kya te oun thuapaw cipaw kha a nyng kho. Pawcce cize Pachia Thya muisaw nynh bahccin kalaan a cciakhao zungzae. Samaw neh paw tuh laephi hoosah naw, tounaw taekuh khokhyh keccu nynh a thua. Lukheh paw nynh ccezung te a thuin, Sahrya naw, Thaanthya hoo naw te Nuinsenaw blyng 'ae kha nynh zyntu a thua paw thinlung kha ccezung haw, te a thuin, Thuasalamah Ccungccaw bya tuh valaa rialite, Pachia bya kha bapi laa a nung. Zisu byakha zungzae a ccyke ku. "Ka zuitu na thua keccu oh ze Ccungccaw 'ae nynh ae thahrya ae nuinse cih oh. Thuasalamah nae lung vatua sah, Paw cce cize Vawla khua khuin laksawng patae nungpya na thua oh." (Matt. 5:11,12).

Pachia sungсах naw kyate phiasah ku khylaan Setan te a thuanaw oh seinaw nynh a zua kuh 'ae, Thuasalamah phiakuh khokhyh, "a humnyh mou Krih sungсах naw kyate ounphia kho cih? Ruunaw nynh tou? Te innaw nyh tou. Vawsaw naw nyh tou, Chiriaw nyh tou, Vapaw nyh mou oun phia kho cih? (Rom. 8:35). Vapaw nyh maa oun phia kho ngawkhyh 'ae. E uhccaw lungkhu kya te oun sungсах tupaw thawngte, ae ning tuh taetu 'ae laeze taetu nynh a thua hua oh! (Rom. 8:37). Bawipaw te na kyngkunaw oh thawngte a leepaw a thawngnaw thongte nae thaw zung a thawng cih, Setan liin naw kha nadou kho nawlaan oh Pachia nyh aepya oh paw zunghee te

uhccaw kha lawku tua oh, nae' rhawpaw kha na tae cih oh zah a thang naw cia tynkring lang na dahang kho cih oh, tuh kou te Tuu rinn Bawipaw kha oun thua te a nangkho lipaw phu ee naw bawi lukhum kha na mawe cih oh. (Efesa. 6:10-18; 1 Peter 5:4).

AWSII, A thya a hooy laesah nawpaw awsii tuh thya zah a aw, a thinsung tuh zynnaw te beh zah Pachia Thyamuisaw te a beh. Vaw Ccungccawpaw Pachia bya nynth a thang naw cia kyng zah taenaw amawe 'ae paw elaan laksawng nungpya a thua naw kong kha zungzae a ho pya chui. "Taenaw a mawe 'ae pawtuh Pachia khokhu lungku ee hiinnaw thinthae ae naw kaw kapyia cih 'ae." Taenaw a mawepaw tuh thuruh paw "Mana" a bang kha ka pya cih 'ae. "Ming a thawpaw a pya kuh paw lung a rawpaw kha kapyia cih 'ae." "Taenaw mawe zah karynaw a raepaw tuh. kapaw kya ee ka mawepaw leesaenaw te kaw hoi nawkha kapyia bua cih 'ae. Taetu a thua paw tuh kapaw te vaw 'ae malaan maethya khaelite ka Ccungccaw nynth a thua ka cyi cih. Taenaw a hoi paw tuh ka bawi tungkhum pekhe dahung naw kaw kapyia cih 'ae, Kae nynth kapaw tungkhum pe ka dahung hawte a dahung bua cih 'ae." (Bia 2:7,11,17,26; 3:5,12,21).

A LAEKUH PAW PHUA BAWM. Ccungccaw nynth a thinsung a thua khyh ze a sisua Pachia kalaan pong a pya cipaw muih sah naw nynth a thua. Phua kha ryachi bawm nawlaan a ma, Pum haw pumkheh laan thawlawm te a hopaw blyng kha Pachia peenaw eelaan a ma vae, cipaw nynth a thua.

NGASAW TE SANLOU, Nynth amaw te a maw taeku khonaw a thyanapaw hiinnaw thinsung kha oun muih sah, a hiinnaw kha samaw te thuasah a hooylipaw a ccaccan paw zu aenaw te thu sah khyh. (Lam cceh tu. 15:20). Maezu te karua te a ccaccan pawte Pachia Beikinn a thuapaw a pyng kha thusah vaekhyh zah a phua mah a alakkaw laan tha vae khyh. Rui maa paw Sii blyng kha sibia zah a pyngsaw ee laan a thanepaw aepaw kyalya khanynh a ae vae. A thinsung tuh sawsan naw innla a rae, khuanin sote khua raw zemah

Pachia boik laante pum kula kha, zungzae a cceh. Sawsan zungzae a ry. Zungzae te saw a san, pawcce cize Kriccaw tuh Pachia kalaan sawsan te bya beik ku khyh laze leethung naw um khyh cipaw kha a ny.

A KIA KUH TOUP AW CCA UH. Hynh ee nynh Baebuccaw tuh zungzae a kia kuh toupaw nynh a thua cipaw a laan sah, nin takyh te ria zah a lungkhu ee hawnaw thawzung, hiinnaw te aw naw, hoirummaw kha a mawe, a halan lapi muihsak tu Mae Inn te Setan taenaw zunhe, la a ma vae, a muisaw ha laan loh te cui a thuakhyhze amaw te amaw a doo kunaw paw thawlaan late a maa vae.

A vae latum puitkha a lungtua naw nynh a thua, vae latum lite laksawng mawenaw um khyh cipaw kha any. Kae tuh Zisu Krih ryte hiinnaw thawpaw kya thochui sah paw nynh ka thu a cipaw any keccuze a thinlung tuh Vawlaan khuin nynh a nung vae. Laephi uhccaw kha mah tua vae, ruavae khyh. (Kolose 3:1-2). Pachia te tungku khylan zungzae paccyng ku te a um. "Amaw tuh vawkhu king ze ah ling hae paw thinku a naw naa bakhhyh zah a ccyh mee te a thae zungzae a thaepaw hawte nynh a thua vae." (Psa. 1:3). Misur karaan a thae patae a thaepaw hawte nynh a thua vae, Chinaw, riinaw hoi vaekhyh. Pachia sungсах naw a thyapaw muisaw kha a thinlung kya phe a beh vae.

SAWKHUM CCAN HAW NAW

Zisu nyrih kae tuh thochui naw te hiinnaw nynh kathua. Kae oun zynpaw 'ae tuh chih sala mah a hiin cih 'ae. hiin zah kamaw oun zyn paw tuh chih vae lankhyh 'ae, cite aci. (John 11:25,26). "Kabya kha thae zah oun saw tupaw a zynpaw nynh zungzae hiinnaw a mawe 'ae, byapia naw in vae ngaw khyh 'ae, chinaw te hiinnaw la a cceh vae 'ae. (John 5:24). Amaw zyntu Kriccaw halaan tuh chinaw hynh rosah pya te vaesah pya a thua vae, taenaw tuh a cciin vae, Pou chinaw nataenaw tuh temou a um? Ccinaw napyo kho naw tuh te mou um? Bawipaw Zisu Krih thawngte taenaw ounpya tu



10. PHU EE NAW TE INN LA A KI

Pachia tuh thehooy sah oh sih. (1 Kor. 15:54-57).

Pachia te hiinkheh 'ae zah a ccehkheh paw 'ae tuh chi rawrih vae khyh 'ae chi naw nynh a thuarua laan zemah lungtua te a cceh cih 'ae, Paul nynh a hohaw te ee hiinnaw tuh cciataw te Krih ryte pyn kheh laan um kary vae tuh ee tuh a hooy hua paw nynh a thua a cyi. (Filipi 1:23).

Kriccaw nynh Zisu mae muih laa kha kou a ngaehooy 'ae, miha laan chih zah vaelatum vaw chinaw te seinaw mee kha a sangpya 'ae keccunynh a thua. Thyamuisaw nynh Pachia bya bua ounthae sah 'ae paw tuh, nae lungria thae na sah, vawsaw siarua te mah um na oh, Pachia kha zyng oh laa, kae khamah oun zyng bua tua oh, kapaw inn kya umnaw kha patae a um, kae ki chui cih zah kamaw kya um bualaan kae hoy cih oh. (John 14:1-4). A hum Ccungccaw tuanaw nynh a phya kho lipawte a thua khongaw cite a tua baan li 'ae paw tuh Pachia nynh amaw asungsah paw 'ae halaan a paccyng pya 'ae. (1 Kor. 2:9). E lae vaw a hiin lungkhu 'ae Bawipaw Zisu ccunoh zuipaw 'ae halaan, a paccyng pya 'ae paw khualipi nynh a puithya pawtuh laephi vaw la ee byate tuh homaw hokho umkhyh.

Rilaan umpaw chinaw (ccungccaw ruu) halaan Pachia ccungccaw paw, vaw ccungccaw paw kha ee sawkhum kya oun laakuh ru. Ccungccaw 'ae mih muisaw kha Pachia kalaan ccia khae khylaan a ngaw bia paw nynh a thua. A hiinnaw te a muisaw tuh a pyngsaw kya te phiakuh zah, a hung kuh toupaw koikua kyate kou a puithyapaw vawla khua kya, kou a sungsaah 'ae paw te mihalaan a chi pah paw Bawipaw Zisu kalaan khe a cceh vae 'ae. Pachia malaan lungtua te doihaw naw oun rae 'ae zah, a Bawipaw nynh pou, seehooy paw te zynlaa umpaw ccungccaw paw oun cceh laa, ka lungtuanaw hynh oun bawm kuh bua, (Matt. 25:21) cite oun dawihaw vae. Setan nynh a tumvaw kya vapaw rya lah kho vae khyh. A rya chih paw kha oun chih zah Vaw ccungccaw 'ae zah vaw loh dan naw kya, Abraham ah pekha a dahung sah 'ae. (Luke 16:22). Te vaw laante roy oun ccae paw kha a thae, "hynh

hawte pyatuha a tute malaan cia Bawipaw rya lawte a chih paw 'ae tuh lungtua paw nynh a thua 'ae, cite acyi. Thyamuisaw nynh a thua ccaccin cite aa leh. A ryalawnaw, (Kou a ruu paw) kya te hae umnaw kha a mawe cih, tuh kou te a ryalaw naw a phi hoypaw nynh a zui cih. (Bia. 14:13).

A THANG NAW LA BYA TAW NAW

Sungah paw ccaw riatu, ae sungсах tupaw kalaan nahiinnaw na pya khonaw laan Pachia nyh ae va bawm vaesah, Pachia nynh, a tuhynh na thinlung blyng te ka kalaan oun kila, (Deut. 30:2) cite zungzae ae ko nyng. Na thinlung a thaw a baang paw a lung a tha pawte a vawsaw, a riathae pawkha Zisu kalaan pyalaa, thinlung thawpaw te tuanaw thawpaw kha, oun pyacih. A hooy lipaw na thinlung khi amaw ryte um khylaan, linsah kuh na vae, ccungccaw thinlung kya hynhte, tuannaw hooylipawte, uhccaw hooylipaw rae rynaw kha ounpou. (Mark 7:21). "Seinaw kha cciataw la a hmepaw kha, kyngku tua vae, pawcce cize seinaw mee tuh chinaw nynh a thua, thuasalamah Pachia laksawng tuh Bawipaw Zisu Krih ryte zungze hiinnaw nynh a thua." (Rom. 6:23).

Te Pachia kalaan hiinnaw a pyapaw vae, nantuh kae ccanyapaw hynh a hooyte kyngkuh laa, zui khonaw laanpi kha raekuh. Zynnaw lungkhu kya tynlaa, Bawipaw Zisu thawngte a uhccaw ah thuapaw, zynnaw te sungсах kunaw kyakhe, tyng karing laan te um tuah. (2 Timote 1:13). Tukeccu Paul nynh 2 Timote 1:12 kya, hynh te a ho. "Ka zynpaw kha ka ny, ka nungku paw uhccaw kha zungzae oun ccypya cipaw kha, ccae rari laan ka ny." Cite a cyi. Pachia na zynnaw kha houhou leesah thung tua. Thyamuisaw te sawsan tuah, Pachia sungсах naw lungkhu kya tynkring laan lum tuah. Zisu kha tynkring laan doo tua. Pawcce cize amaw tuh laanpi, bahccing te hiinnaw nynh a thua. A Bawipaw tuh a ccaw 'ae law khylaan, bua oun rung chui cih. Ah leehua paw Siapahrang, Bawi lungkhu kya blyng, ah bawi huapaw tuh. (1 Timote 6:15).

Na khuh liaku khyh nawlaan, ae umkhae khotu paw, sei naw lite lungtuanaw te phu ee nawkya ae thua khae kho tupaw, Amaw kyala Pachia ccah ccing a thua paw, oun khumtu ah Bawipaw Zisu Krih liate, Pachia kyakhe phu ee naw, leesae naw, thawng nawte, kaw hoinaw, zungzae te zungzae cia va um vae sah! Amen. (Jude 24,25).

Copyright ANGP

A SPECIAL WORD FROM ANGP
UN MONDE SPÉCIAL DE L'ANGP
UMA PALAVRA ESPECIAL DA ANGP

This booklet "The Heart of Man" is available in over 538 languages and dialects spoken throughout the world (Africa, Asia, The Far East, South America, Europe, etc.) Our Heart Book is now also available on cell phones, tablets, etc from www.angp-hb.co.za or as an APP "Heart of Man" on Android phones.

Le livre du "Coeur de l'homme" peut être obtenu en plus de 538 langues et dialectes parlés dans le monde entier, à savoir: Afrique, Amérique, Asie, Extrême Orient, Europe. Notre Livre du Coeur est maintenant aussi disponible sur votre Téléphone cellulaire, plaques, etc. de www.angp-hb.co.za ou comme une Application "Heart of Man" sur téléphones Android.

Este livro "O Coração do Homem" é obtido em mais de 538 línguas e dialetos falados em todo o mundo, a saber: (África, Ásia, América do Sul, Extremo Oriente, Europa, etc). O nosso Livro O Coração do Homem também está agora disponível em telefone celular, tablets, etc. de www.angp-hb.co.za ou como um aplicativo "Heart of Man" nos telefones celulares Android.



The 10 heart pictures contained in this booklet are also available in the form of large coloured picture charts (86 x 61cm) bound together in a set of 10 pictures. These "Heart Charts" can be obtained with European or African features and are particularly suitable to be used in conjunction with the Heart Book for class-teaching, open air evangelization etc. Kindly contact us to ascertain the latest subsidized price of this chart.

Les 10 images du coeur qui figurent dans ce livre peuvent être obtenues en tableaux de couleur, format 86 x 61 cm, avec des physionomies européennes ou africaines. Ils peuvent être utilisés en même temps que le livre du coeur pour des classes bibliques, a

l'ecole du dimanche ou lors de reunions de plein air. Soyez aimable de nous contacter pour assurer les derniers prix en cours du tableau.

As 10 imagens do coracao, contidas neste livro podem ser obtidas num conjunto de 10 imagens em colorido no tamanho de (86 x 61 cm). Estes "Cartazes do Coracao podem ser obtidos com caracterfsticas Europeias e Africanas e podem ser usados em conjuncao com o mesmo livro em classes de ensino biblico, evangelizacao ou ao ar livre. Agradecemos que nos contacta- se para confirmacao do ultimo preco dos cartazes.



Kindly write to us if you are able to assist us with further translations of our free Gospel literature, informing us of the language into which you could translate this Gospel literature. Your assistance would be appreciated.

If you have found salvation in Christ, or have been otherwise blessed through our Gospel literature, please let us know. We would like to thank God with you, and remember you further in our prayers.

Nous vous invitons a nous contacter pour faire des arrangements concernant de nouvelles traductions de notre litterature, nous informant de la langue dans laquelle vous pouvez traduire cette litterature evangelique. Votre aide sera beaucoup appreciee.

Si vous avez trouve le salut en Christ ou si vous avez ete beni par notre litterature, nous vous prions de nous le faire savoir. Nous aimerions remercier Dieu avec vous et prier pour vous.

Nos vos convidamos a nos contactar, afim de fazer qualquer arranjo concernente a novas traducoes de nossa literatura em outras lnguas. Vossa assistencia sera muito apreciavel.

Se tem encontrado a salvacao em Cristo, ou se tem sido abençoado por intermedio da nossa literatura evangelica, faca o favor de nos

informar. Pois nos gostaríamos de agradecer a Deus juntamente convosco, e lembra-lo sempre em nossas oracoes.



For free Gospel literature, books and tracts in over 538 languages, write to:

Pour obtenir gratuitement de la litterature evangelique, des livres et des traites en plus de 538 langues, ecrivez a:

Para obter gratuitamente a literatura evangelica, livros e folhetos em mais de 538 lnguas diferentes escreva para:

ALL NATIONS GOSPEL PUBLISHERS

P.O. Box 2191

PRETORIA

0001

R.S.A.

info@angp.co.za

A Gospel Literature Mission financed by donations

Une Mission de litterature evangelique finnee de dons

Missao de literatura Evangelica financiada por donativos

(Reg. No. 1961/001798/08)